

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 29. stav 1. Uredbe sa zakonskom snagom o ustanovama („Službeni list RBiH“, broj: 06/92, 08/93 i 13/94), člana 40. Zakona o predškolskom odgoju i obrazovanju ZDK („Službene novine ZDK“, broj: 7/10), člana 54. Pravila JU Predškolski odgoj i obrazovanje Zenica broj: 06-0602-129/1-2011, od 31.03.2011. godine, broj: 06-0602-601/1-2021 od 07.06.2021. godine i broj: 06-0602-121171-24 od 27.12.2024. godine i Odluke privremenog Upravnog odbora Javne ustanove Predškolski odgoj i obrazovanje Zenica o raspisivanju Javnog konkursa za izbor i imenovanje direktora broj: 06-0602-572/1-2025 od 14.04.2025. godine, privremeni Upravni odbor JU Predškolski odgoj i obrazovanje Zenica objavljuje:

JAVNI KONKURS za izbor i imenovanje direktora JU Predškolski odgoj i obrazovanje Zenica

Raspisuje se Konkurs za izbor i imenovanje direktora JU Predškolski odgoj obrazovanje Zenica. Imenovanje se vrši na mandatni period od 4 (četiri) godine, sa mogućnošću ponovnog imenovanja, s tim da isto lice ne može biti imenovano na više od dva mandata u istoj ustanovi, računajući i tekući mandat.

I OPIS POZICIJE DIREKTORA

Direktor obavlja sve poslove predviđene Zakonom o predškolskom odgoju i obrazovanju ZDK i Pravilima Javne ustanove Predškolski odgoj i obrazovanje Zenica.

II USLOVI ZA IZBOR

Kandidat za imenovanje na poziciju direktora u Javnoj ustanovi Predškolski odgoj i obrazovanje Zenica mora ispunjavati: - opće i - posebne uslove.

Opći uslovi su:

1. da je državljanin BiH,
2. da je stariji od 18 godina,
3. da je zdravstveno sposoban,
4. da nije osuđivan za krivično djelo i za privredni prijestup nespojiv sa dužnošću u instituciji u koju se kandiduje pet godina o dana pravosnažnosti presude, isključujući vrijeme zatvorske kazne,
5. da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje,
6. da nije otpušten iz državne službe kao rezultat disciplinske mjere na bilo kojoj razini vlasti u BiH u periodu od tri godine od dana prijavljivanja na Javni konkurs,
7. da nije pod optužnicom Međunarodnog suda za ratne zločine u bivšoj Jugoslaviji (člana IX. Ustava Bosne i Hercegovine),
8. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 70/80),
9. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 34/03), i 10. da nema privatni / finansijski interes u ustanovi u kojoj se kandiduje.

Posebni uslovi su:

1. kandidat mora imati visoku stručnu spremu, odnosno završen najmanje prvi studijski ciklus u području predškolskog odgoja, pedagogije, specijalne pedagogije ili psihologije, a izuzetno za direktora predškolske ustanove može biti imenovan i nastavnik predškolskog odgoja i obrazovanja,
2. najmanje pet (5) godina rada na poslovima odgoja i obrazovanja,
3. položen stručni ispit,
4. da se naročito ističe svojim radom u organizaciji odgojno - obrazovne djelatnosti, pedagoškoj teoriji i praksi,
5. da posjeduje stručne, organizacione i rukovodne sposobnosti, i
6. da priloži Program rada predškolske ustanove za mandatni period.

III SADRŽAJ PRIJAVE

Kao dokaz o ispunjavanju uslova iz konkursa, kandidati su uz potpisanu prijavu koja treba da sadrži kraću biografiju, adresu i kontakt telefon dužni dostaviti i sljedeće dokumente (original ili ovjerene kopije):

- a) diploma o završenom obrazovanju,
- b) dokaz o traženom radnom stažu,
- c) dokaz o položenom stručnom ispitu za samostalan odgojno - obrazovni rad,
- d) program rada predškolske ustanove za mandatni period,
- e) uvjerenje o državljanstvu (ne starije od 6 mjeseci), i
- f) ovjerenu izjavu kandidata o činjenicama nabrojanim u tačkama 4. do 10. općih uslova konkursa.

Napomene:

Izabrani kandidat će biti u obavezi u roku od 8 (osam) dana od dana prijema obavještenja o izboru dostaviti:

- ljeakarsko uvjerenje kao dokaz da je njegovo zdravstveno stanje i psihofizičke sposobnosti odgovaraju uslovima radnog mjesta,
- uvjerenje o nekažnjavanju ili uvjerenje da fizičko lice nije osuđivano za krivično djelo ili privredni prijestup (izdaje MUP), i
- uvjerenje o nevođenju krivičnog postupka - izdaje Sud.

Rok za podnošenje prijava je 15 (petnaest) dana od dana posljednjeg objavljivanja u sredstvima javnog informisanja i računa se prema datumu objave konkursa u glasilu koje zadnje objavi ovaj konkurs.

Neblagovremene, neuredne i nepotpune prijave, kao i prijave kandidata koji ne ispunjavaju opće i posebne uslove, neće biti uzete u razmatranje.

Kandidati koji ispunjavaju uslove konkursa biće obaviješteni o mjestu i vremenu obavljanja intervjua.

Po okončanju procedure po Javnom konkursu, dokumentacija priložena prijavi neće se vraćati kandidatima, osim na osnovu pismenog zahtjeva kandidata.

Prijave sa potrebnom dokumentacijom treba dostaviti u zatvorenoj koverti lično ili preporučeno poštom na adresu:

**JU Predškolski odgoj i obrazovanje Zenica,
Upravni odbor
Bulevar Ezhera Eze Arnautovića br. 5,
72000 Zenica**

sa naznakom: „Prijava na konkurs za izbor i imenovanje direktora JU Predškolski odgoj i obrazovanje Zenica - NE OTVARATI“